



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

LVI. Epistola Episcoporum Metropolis Corinthi, Ad Leonem Imperatorem.  
Piissimo & inuictissimo domino totius terrarum orbis, & Christianissimo  
imperatori Leoni, Petrus episcopus metropolis Corinthi, & ...

**urn:nbn:de:hbz:466:1-14887**

continuis temporibus custoditur, sic & sacra mysteria nullorum scelestis præsumptionibus vulnerentur, sed pietatis vestræ laboribus pax mundo collata, in sua soliditate intransgressibili pietate seruetur.

Vrsilius episcopus Dardaniæ, incolumem tranquillitatem tuam pro pace mundi & catholicis ecclesiis, multis annis virtus æterna custodiat, domine piissime & inuictissime, perpetue Auguste.

Dalmatius episcopus Nentiniæ, similiter.

Maximus episcopus Diocletianensis, similiter.

LVI.

EPISTOLA EPISCOPORVM  
METROPOLIS CORINTHI,  
AD LEONEM IMPERATOREM.

*Piissimo & inuictissimo domino totius terrarum orbis, & Christianissimo imperatori Leoni, Petrus episcopus metropolis Corinthi, & reliqui episcopi reuerendissimi sub me constituti, Athanasius, Rufinus, Alexander, Candidus, Agatherus, Alexander, Archimus, Cyriacus, Thales, Domitius, Hosius, Constantinus, Iscius, Ioannes, Athanasius, Timotheus, Aphobius, Zoilus, Plutarchus, Gerontius, in Domino salutem.*

**I**N omnibus quidem, quibus propter religiosum imperium vestrum respublica bene regitur, omnium Dominus glorificatur Christus; præcipue autem in quibus orthodoxæ fidei inconcussa iura seruari studet vestra tranquillitas: pro quibus sancta & adoranda Trinitas intentionem vestram remunerans, & victorias de inimicis, & omnia sicut optatis præbuit, & præbebit vestræ pietatis imperio. Vnde vero dignata est nobis scribere vestra tranquillitas, & aperte iussit nostram manifestare sententiam, hæc pietatis vestræ potentiæ declaramus, quia ea quæ a Calchedonensi sancto & vniuersali Concilio definita sunt, tamquam sanctis Synodis præcedentibus consona, & in nullo contraria, aut sanctorum trecentorum decem & octo patrum Nicæno Concilio, aut Constantino-politano centum quinquaginta, aut Ephesio sub beatæ memoriæ Cyrillo celebrato, omnibus sententiis manere immutata decreuimus. Nihil enim dubium in eadem

sancta salutari fide derelictum est, nec conuenit de tali causa  
sepius fieri tractatus vniuersales, quasi in verborum nouitate, & non in fide inconcussa, rectaque conuersatione, salus humani generis constituta sit. Timotheum vero, sicut ex his quæ sunt scripta, cognouimus, nec regulariter, nec consequenter sacerdotium obtinere prospicimus. Quo tamen modo oporteat eius causam, & sanctas ecclesias in illa constitutas regione, disponi secundum Deum, in vestra pietatis & iustitiæ pender arbitrio, quæ non minus paci ecclesiarum, quam securitati ciuitatum & subiectorum prouidere dignatur; perfecte sciens, quibus imperare diuino iudicio constituta sit, docta pariter ecclesiasticas sanctiones & proprias leges, & per vtraque tam orthodoxam fidem, quam reipublicæ iura disponens. Nostras igitur orationes, quas pro vestra serenitatis imperio incessanter offerimus, omnium Deus & Dominus placatus accipiat: quatenus & omnis mundus per vos, & sanctæ eius ecclesiæ cum omni pace & tranquillitate & fide orthodoxa gubernentur.

Petrus episcopus metropolis Corinthi. sancta & consubstantialis Trinitas, quæ tuum genus ad munimen fidei orthodoxæ & salutem generis humani constituit, pium tranquillitatis tuæ longissimo tempore seruet imperium, venerabilis imperator.

Athanasius episcopus Atheniensis, similiter.

Rufinus episcopus Thespinensis, similiter.

Alexander episcopus Patrenus, similiter.

Candidus episcopus \*, similiter.

Agatherus episcopus Megarensis, similiter.

Alexander episcopus Elateæ, similiter.

Architimus episcopus Thebarum, similiter.

Cyriacus episcopus Carystenus, similiter.

Thales episcopus Argi, similiter.

Domitius episcopus \*, similiter.

Hosius episcopus Lacedæmonis, similiter.

Constantinus episcopus Chalcidis, similiter.

Isicius episcopus Tanagrensis, similiter.

Ioannes episcopus Messenæ, similiter.

Athanasius episcopus Proponti, similiter.

Timotheus episcopus Megalopoleos, similiter.

Aphobius episcopus Coronæ, similiter.

Zoilus episcopus Carsiæ, similiter.

Plutarchus episcopus Platænsis, similiter.

\* Georgius episcopus \*, similiter.

\* Geor-  
tius